

Protocol no. 121**Sezzüda da lündeschdi, 28 november 2011 – 13.15 – 17.00**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt, Andri Lansel, Clà Sarott, Domenic Augustin, Albert Mayer, Andri Poo, Men Caviezel, Dumeng Jann, Mario Riatsch, Jon-Curdin Felix, Rico Zini e Claudia Luppi (protocol)

Il capo salüda il Cussagl cumünal actual, la cumischiun sindicatoria ed il Cussagl cumünal nouvelet pel trienni 2012 – 2014, sco eir il silvicultur, il manader tecnic, il contabel e l'actuara per quista sezzüda a regard il preventiv pel 2012.

Il böt da la sezzüda dess esser da dar invista tant a la cumischiun sindicatoria sco eir al Cussagl cumünal nouvelet i'l preventiv pel 2012 e da dar las infuormaziuns e spiegaziuns necessarias.

1076 9**FINANZAS ED IMPOSTAS****Preventiv dal quint curraint e preventiv d'investiziuns**

Il capo repassa il prüm la survista dal preventiv dal quint curraint chi prevezza, as basond sün ün pè d'impostas da 105% da l'imposta chantunala, entradas da s-chars frs. 7'770'000--, sortidas da bundant frs. 7'976'000-- ed ün s-chav da raduond frs. 197'000.--. Lura vain repassà punct per punct il quint curraint tenor secturs da servezzan. Il capo ed ils schefs dan spiegaziuns detagliadas sur da singulas posiziuns. Impustüt ils cussgliers dal Cussagl nouv pon far dumondas e survegnan eir las infuormaziuns necessarias dals schefs da decasteri. Davò avair fat singuls pitschens adattamaints vi dal quint curraint vain repassà il quint d'investiziuns chi prevezza per l'on 2012 investiziuns considerablas ma eir necessarias schi's pensa per exaimpel vi da la sanaziun da la chasa da scoula ed otras investiziuns vi dal l'infrastructura cha'l Cumün es in dovair da far. Andit a discussion da in connex cul quint d'investiziuns eir la cumprita dal stabilimaint da la posta. Intant cha üna part dals preschaints resguarda quist affar sco disavantagius, impustüt in considerond cha'l stadi dal stabilimaint pretenda cul temp amo ulteriuras investiziuns, schi vezzan oters preschaints quist'investiziun sco gronda necessità per pudair mantgnair il centrum dal cumün activ. La dumonda consultativa, schi's less laschar la cumprita dal stabilimaint da la posta aint il preventiv d'investiziuns pel 2012 o schi's less plü jent tour oura, vain respusa dal Cussagl actual, da la cumischiun sindicatoria e dal Cussagl nouvelet cun majorità per laschar quist investiziun aint il preventiv.

In connex cul preventiv vain discutà intensivmaing eir sur dal pè d'impostas pel 2012 chi vess da gnir proponü a la radunanza. La decisiun per la propsta dal pè d'impostas vain tratta illa prosma sezzüda regulara dal Cussagl cumünal.

Animadas discussiuns ed intimaziuns daja eir pro oters temas sco p. exp. pro'l sector da sandà fin pro'ls pumpiers ed il provedimaint electric.

In general as po conclüder cha quista sezzüda cumünaivla dals duos Cussagls e da la cumischiun sindicatoria es statta constructiva e cun üna bun'atmosfera da discussiun. L'infuormaziun detagliada sur dal preventiv es tanteroter üna part importanta da la surdatta dal Cussagl vegl al Cussagl nouv.

L'actuara